

# Hylli i Dritës

*Ubi Spiritus Domini, ibi libertas.*

(II. ad Cor. III. 17).

---

1. Jetë e shpirt	Faq. 161
2. Të pertrímt e rregullimit shoqruer	„ 174
3. Fragment — Drita ( <i>vjerrshë</i> )	„ 179
4. Pulti e Dukagjini	„ 185
5. Vijimi tipik i smundjeve të prâshme të randa	„ 192
6. Livisja industriale e Japonit	„ 197
7. Urti e burrní nder banorë të Cemít	„ 201
8. Zblime të reja në Palestinë	„ 208
9. Quo Vadis...? — Pj. II. — 6	„ 41

---

*Kushi pagoi paret i rá kavallit!*

## Pelqeni

*t' u dergohet rregullisht „Hylli i Dritës“?*

## Pagueni

*pajtimin, e mos drueni, se keni me e pasë muej  
per muej*

*Harresa qortohet vetun me pagesë.*

## Presim

*ADMINISTRATA*



## Jetë e shpirt

Ndolljet e spiritizmit sidomos të shek. XIX. kjén si një bumbë qi, disi pá pritë pá kujtue, u shpraz shì në strofull të materjalizmit goditë aq me kujdes prej pionerve të tij: Feuerbach, Vogt, Büchner, La Mettrie etj. etj. Sido të merret puna e spiritizmit 1) fakti është ky, se, qse ndolljet e Hydesville e punët e bindshme të Miss Cook, D. Dunglas e Slade nisen e mueren dhén, për shumë dijetarë të mdhaj të kohës, si Crookes, Gibier, Ch. Richet etj., u çil një lamë e ré kerkimesh mendore. Aj perbindsh i monizmit materjalist, qi do të përpiqet, t'uej shkri në një edhe sendet më të perkundertat, nisi me prendue, e dijetarët, të trandun prej ktyne ndolljeve, si t'u çojshin prej një gjumit të randë, shkaktue prej peshet ndrydhse të materjalizmit, nisen me i drejtue mbas tjera parimeve kerkimet e veta, në mnyrë qi sot mundet me vù oroe kushdo, mjaft qi mos të gjindet krejt jashta rrymës së mendimit, se — jashta ndo'i të mbrapambetunit — materjalizmit i ká dalë fryma. «Zâni i materjalizmit, thotë i vleri Prof. i Universitetit të Milanit *E. Chiocchetti*, nuk është më për shekull t'onë.» 2)

Një nder fryte më me randsí e më të dukshme të spiritualizmit, qi është t'uej i dhânë shpirt e jetë kulturës së soçme është, pá dyshim, interesa e madhe me të cillen sotpersot shkojnë t'uej u rrahë çashtjet më kryesore të nierit: prej kahë vi? çka jam? e kú do të vetem? «Sot, thotë *Chiocchetti*, 3) bota ká drejtue të gjitha fuqit e veta për m' u kthellue nder kto trí dogme qandrrone... e e ndien se e verteta, problemi i madh

1) Vro: „Hylli i Dritës“ vj. 1930 n. 10; 1931 n. 3, 7-8, 9, kú flitet gjân e gjatë mbí spiritizem.

2) *Religione e scienza*. f. 4.

3) Idem l. c.

